

魏叔子文集外篇

書後引

余讀古今文每勃然有所觸於中率爾草之篇尾易  
堂諸子覽而是之而取其成章者錄之

魏禧自識

魏叔子文集外篇書後

第十三卷

書全冲堂卷後

書三嚴崇祀錄後

書思子亭卷後

書周茂蘭血疏後

書烈母傳書後

書徐華國遺事

書左傳後

書蘓文公高帝後

書蘓文公諫上後

書蘓文公諫下後

書蘓文公明論後

書蘓文公辨姦後

書蘓文公遠慮後

書蘓文定重臣後

書歐陽公狄青劄子

後

書季子高宗論後

書丘登甫詩傳後

書伯子示傑傲疏後

書古今長者錄後

商丘宋氏家乘書後

書彭隱君傳後

魏叔子文集外篇卷之十三

書後

寧都魏禧冰叔著 諸子世傑與士編次

○○書全冲堂卷後

壬子秋禧客吳門病飲世醫紫谷君之藥而愈紫谷  
姓劉氏名元稷吳中號爲博雅登其堂多法書名畫  
因瞻其曾祖廉使筆山公像有古大臣威儀吾友徐  
晟云筆山公以名進士給事中歷官藩臬清慎廉法  
所謂鄉先生歿而可祭于社者也全冲堂者筆山七

世祖康民公永樂中扈從北征精岐黃術與館閣諸公游學士臨江金文靖公幼孜顏其堂曰全冲爲之記廬陵曾公縻書其記之末其他贈詩記序不勝數皆名公卿也而禧之鄉先進凡十有一人焉劉歷世皆用醫學顯封大夫培橘公積德厚實啓佑筆山公全冲堂之名益大有聲于吳當筆山未第時文靖公記已失去後宦游滇南過江右得之文靖集中元稷去公又三世文靖書康民公墓誌及徐武功伯有貞爲其九世祖季誠作卷跋皆失元稷偶過裝潢家見

墓誌壁間以宋板本草易歸而武功跋亦于雜書占  
帖中買得之獨周處士東村爲其六世祖夢橋公寫  
全冲堂圖失之百年不復得東村唐解元寅師也元  
稹每以爲恨百方求索而近復不意得之于是全冲  
堂名蹟自永樂來三百年所世傳歷變革而亡于兵  
火者至元稹大備嗚呼可謂盛哉禧于是歎元稹孝  
思之誠若有鬼神相之而劉氏先世之澤爲深且遠  
也徐晟又云元稹父維申先生恂恂退讓君子與家  
君少游庠序交自髫鬣至老如一日晟不妄以言許

魏叔子文集

後

卷十三

全冲二

二

人者也。晟父武子先生蓋高士。禧嘗于李灌溪侍。御飲酒坐上識之。元稹既出卷示禧。請書其後。禧惟元稹淳篤。奸仁有君子之行。又感晟言不敢辭。遂敬書數言以竊附于鄉先進之後云。

蔡九霞曰。文以元稹爲主。筆山爲綱。徐晟爲牽拂。純用筋脉。提注此最精于法度之文。



○○書禹航三巖先生崇祀錄後

禱爲童子卽聞天下名士有禹航三巖年二十足未  
出南州旣以病臥翠微山中者二十年海內耆舊彫  
落殆盡往往不得識面癸卯始游吳越交沈甸華陳  
貞倩則人人言給事中巖公賢

名沆字顯亭

又八年游揚

州而公至乃辱臨禱講布衣之好開誠樂易殆過向  
年客沈陳時所稱道已讀三巖先生崇祀錄乃知公  
蓋謬公先生冢子世父則印持叔父則無救兩先生  
也嗚呼禱爲童子時聞名字而不得見今得見公又

爲當世賢公卿豈不甚幸。因念漢鉤黨之禍起於甘陵。然而亡漢者十常侍之徒。非三君俊顧之徒也。唐以下莫不皆然。後世不察。至謂名士足以亡國。夫人處家必孝友。惇篤見稱鄉里。其出也清言正論。風節著於朝廷。然後謂之名士。故或以爲無救於亂亡。則有之。而顧謂其亡國亡國不罪小人而罪君子。則人幾何不相率爲小人也。三先生以文章倡海內而篤行誼。兄弟孝友。無間身沒。論定先後祀學宮。可謂盛矣。今夫忠臣孝子貞夫義士名之最美者也。孟子曰

王○之○好○樂○甚○則○齊○其○庶○幾○乎○天○下○不○患○好○名○特○患○其○  
好○名○之○不○甚○好○名○甚○則○必○將○勉○爲○君○子○而○惡○爲○小○人○  
禮○交○杭○士○最○多○率○彬○彬○然○由○文○章○進○于○德○義○以○孝○友○  
著○稱○者○不○獨○在○嚴○氏○也○謂○非○三○先○生○遺○風○所○興○起○其○  
誰○然○與○

曹秋岳先生曰宋末多議論少成功而論者  
至以亡宋咎諸道學試問諸儒中秉政者誰  
人誤國者何事乎耳食臆談謬妄至此夫責  
備賢者固自有道必先正小人亡國之罪而

後咎君子之不能救若徒深文以罪君子則  
小人之罪反有辭以自解嚴于君子而寬于  
小人豈天下之福乎叔子此文當與續續朋  
黨論參看然如此論名士又令啖名客爽然  
自失不減子路矍相之令矣

孫無言曰氣寬和而不迫辭巉峭而有制在  
廬陵臨川之間

○○○書計甫草思子亭卷後

甫草客揚州將歸予過之爲連床語其表弟董方南  
出示所作宣城林氏雙烈傳書後附載宋旣庭氏女  
景昭年十三夫死守貞居小樓十年不下微聞親戚  
有欲奪其志者輒不食凡二十日嘔血至盡死予驚  
問方南女之夫何名曰吳中所謂計孺子準者也然  
則予嘗見之汪戶部稿中思子亭記甚愛其文而惜  
其苛於禮甫草乃持一卷授予悲且嘆曰在是矣予  
覽諸君子折衷情禮論旣備廼嘆若孺子者固宜有

宋女之爲之妻也。孺子幼慧，能文章，獨好儒先之學。程純公次子邵公，生五歲而夭，公誌其墓。幾于生，知  
之聖，然則世人所間出，抑固有然與？天下之害生于  
不及情，不生於過情。臣不忠，子不孝，兄弟夫婦朋友  
不終，雖群匹失喪，反巡其故鄉，求如大鳥獸之翔回，  
踴躍燕雀，啁噍之頃，有不可得者。嗚呼！五常潰亂，禮  
義乖離，則豈過於情者之所致乎？海內耆舊彫喪過  
半，後起寥閭無人，則吾將安望？故苟其賢且才，雖胡  
越之子，猶將生而愛之，死而悲之，而况於其子？甫，莫

久而不忘且爲亭旌其悲誰曰不宜雖然甫草於夫  
人之子之賢且才者身力所及爲必長養而成就之  
使終有立則計孺子其終未死也矣

嚴顯亭先生曰天下之害生於不及情不生  
于過情語似偏至却極中正至以貞女起而  
以甫草成人之子結命意立格最高非行墨  
間文字

程穆倩曰悲慨處極沈鬱頓挫之致

○○○書周茂蘭血疏後

崇禎初。天子既誅逆奄。自楊忠烈。

諱

周忠介。

諱

順

以下得賜贈卹有差。時忠介公長子茂蘭。以爲殺吾父者逆奄。所以殺吾父者。倪文煥。毛一鷺也。仇人未

伏其辜。茂蘭終不可以爲人立。聖人之世。於是草疏發二人奸狀。刺血書之。天子覽奏泣下。正文煥舉

一鷺以灰免科。而公得進爵易名。贈三世官。禧盥手

正襟。誦茂蘭血疏。歎古今爲孝子者當如此矣。父之

灰冤於君。則在白。其父之冤冤於奸人。則在誅。其父



之仇父冤雖白而仇不誅則人子不可以一日釋古  
人所以重報仇之義也禧嘗怪伍員報楚雖君臣之  
義有所不顧獨班宮載於左傳鞭墓載於史記而入  
楚之日求費無極之黨生磔其肉炙戮其屍以臨祭  
於父兄之墓則皆無聞焉何也員不出此是員不得  
爲孝子也員出此而左史不之記是左史之失也夫  
仇其君而不仇其奸人非所以教天下後世之爲孝  
子者也吾故曰爲孝子者當如此也茂蘭之孝在父  
冤旣白朝廷加恩贈卹之後而不以爲足當茂蘭刺

指血上疏時主姚文毅公

諱希孟

官舍公適退朝索視

其疏見血迹淋漓紙上瞿然改容既而曰上新卽位而疏有鼎湖勸進語非體也茂蘭於是戛刺舌血改書貼黃以進今所存血書是貼黃原本茂蘭字子佩吳人所稱芸齋先生者也今年六十八矣與其弟茂藻茂萼皆守義執節不媿其父禧竝得與炙而先生行尤高云

金孝章曰他人只贊子佩之孝而不能言其所以孝得此酒發使千古大義昭然於子佩又開一生

面矣。文之貴識如此。

徐禎起曰：文筆如屈鐵畫沙，勁利異常。

○○宋烈母傳書後

甲申乙酉之變婦死其夫子死其父者不可勝紀而以婦人從容就義于吳門又得一人蓋宋子實穎之母夫人姓葉氏以名族歸子堅先生嫺于內則爲子婦爲妻爲母皆有法度乙酉閏六月薙髮令下太湖中有起者城內外火光燭天實穎與父謀出避兵夫人正色言曰出走者汝輩事爾吾婦人去將安之昔伯姬不避火春秋美之火且不得避况兵乎于是實穎奉父出而夫人閉戶坐達曙俄聞有兵持刃竊門

者門未啓夫人遽歸季子實友如雪娥實穎婦朱氏  
則牽袂奮身赴井死矣時仲子實栗年十七號泣井  
傍曰母死兒何心獨生須臾亦赴井死嗚呼不自愛  
死以愛其身慘云臨難決絕情不反顧者婦人之義也顧  
母同夫子出走其得免于難未可知卽兵入嚼齒大  
罵死夫豈不烈而夫人皆有所不肯爲蓋嘗觀古今  
變難之來士大夫非盡輕廉節樂去故而就新也死  
生之際少濡忍不斷因循遷次遂迫于利害易其初  
心抑比比有然夫人懷必死之志以爲可以得生身

信信于不辱而其事危不可諱夫死之權操于我則  
天不得而奪之而況于人乎此夫人之烈所爲加人  
一等也○兵旣去實穎負母及實栗屍從井中出顏色  
如生而實方與妹及實穎婦俱植立井中竟日不死  
是豈所謂天命者與越二十五年而實穎有貞女景  
昭以死殉夫蓋亦漸被夫人之遺教而自奮于義與  
實穎字旣庭年未三十名重天下與禧交善旣庭旣  
舉於鄉  
當國者愛其才欲授以翰林中書不就而讓其同年某云至今述其事嘗流涕壬  
子秋敬書此於姜行人垓傳後

尤展成曰洗發烈母處。至論不刊。與泛稱節烈者不同。文之段落亦古。

繆念齋曰。余少聞太師母懿行奇烈。足方古烈女。丁酉間。直指李公。以輿論。將上其事。忽被讒去。至今盛典闕然。得叔子此文表章之。草野董孤。未必不勝于華袞也。

○○書徐華國遺事

吳江徐君華國居雪灘宋王份厓巷遺址也地多丘墓有沈氏墳屋三間無居人而多懸棺華國常夜歸聞屋中荷荷聲大呼而入則一男子轉側地下土塞口鼻中舉燭細視爲某道士掖而送其家久之乃寤華國外父吳敏菴常持無鬼論華國曰何必無鬼但我神力強能無懼耳至是人益信其言然猶是人也或魅而昏或直入大呼奪人於鬼之室而活其死語曰邪不勝正弱不勝強當華國大呼時鬼安在乎則



謂之無鬼可也。初雪灘多草樹，人祈病，送芻狗者恆

於其地，有莫鱸鄉。

名且脩吳江縣誌爲世所推

者以文名，正嘉間

好詭戲，常於白布襯畫鬼面，乘暝入林中，倒著之人，至輒出走，而前却見者大駭，悉棄羹飯去。天下事久假而真，類如是耶？華國名元瑛，性剛直，力舉三四而斥奸，輯先儒語錄，工趙文敏書，子崧善詩，以風雅名當時，余蓋與交云。

王玠右日記鬼俗事最須古雅，此於古雅中更得生致，有寸長退之遺意。

書左傳後

禮者人之情、天理之節、天子逮匹夫弗能渝焉。故棄  
禮必敗、謙受益、知憂知懼、免于難、故驕且肆必敗、敏  
則有功、勤則不匱、故隋必敗、決者事之斷也、故需必  
敗、君子不以哶哶爲仁、不以伋伋爲勇、故植婦人之  
仁、衡匹夫之勇、必敗、重則慎、輕則脫、慎固脫、離故輕  
必敗、人之有信車之有輪輻也、故食其言必敗、止戈  
爲武、故好戰必敗、弛武備者張、戒心故忘戰、必敗、賦  
困則鬪、民困則畔、故亟作土木、急苛役必敗、厚味膾

毒多藏厚亡故拊斂黷貨必敗治國如治病然而用  
小人是飲酖酒以攻疾也故退賢進不肖必敗人有  
諫臣拂士猶瞽者有相故愎諫怙過必敗萬物本天  
人本祖故蔑祖慢神必敗人神之主也有德則祥降  
之無德則妖興故棄人道賢鬼者必敗剛不可惡柔  
不可弱也是謂一張一弛故過剛必敗過柔必敗民  
者邦本天地之心故虐用其民必敗傳曰女德無極  
婦怨無終故謀及婦人以男事女者必敗立國家必  
正紀綱綱紀不立則其敗也旬旬如崩土而不可維

故妻妾嫡庶長幼無紀必敗始進善善緣善始進不善不善緣不善故不豫教必敗四時之序成功者退故恤而不止必敗讒蠱有毒詩曰民之失德乾餱以愆故不勤小物惕近必敗厝足之地不出扶集於獨梁則顛矣故不謀遠必敗書曰惟事事乃其有備故有恃而無備必敗機事不密則害成故疎必敗順天者存逆天者亡故翳賢德茂強大必敗二人欲爭則羣起讒則伏是以相讓則有餘爭則不足故爭必敗君子瘠己以腴人故削人自封殖者必敗親親天之

合披其枝者傷其心故疏外骨肉夷同姓必敗天道  
福善禍淫淫則亂亂則禍生故姦必敗語曰一手獨  
拍雖疾無聲自盤古以下無獨君故自用不用人必  
敗魚不脫於淵利器不可授人故委柄不治者必敗  
松柏之生薄雲霓立霜雪震風凌雨不仆焉蘿施其  
末則秋風下之故因人成事不自立者必敗出赤心  
入人腹則人樂死故多疑必敗入心之不同如面焉  
立于劇驂據其過續之迹而識其面不亦難哉故輕  
信人必敗凡此之敗未有能一易此者是故反其道

則必興。

溫伯芳曰：包括一部左傳成敗之故，具變換于分門排戶之中，如武侯八陣陣法大陣之中，包小陣，此極奇極剗之文，在古人所未見。

○○書蘇文公高帝後

吾嘗讀蘇洵辨奸深服其智而惜其不幸不見用於  
時及觀權書高帝一篇則幸其不用其不幸而用害  
將與安石等孟子曰所惡於智者爲其鑿也鑿智之  
害與陰賊險狠同趣洵論高帝鑿已甚矣其言曰安  
劉氏者必勃是時劉氏旣安又將誰安蓋帝知有呂  
氏之禍也昔者成王將崩命召公畢公受顧命曰用  
敬保元子釗弘濟於艱難徐、宜、振、云、老、泉、鑿、空、發、論、當時海內又安康王立四  
方無虞全、在、安、劉、氏、一、語、須、極、力、辨、駁、故、其、餘、迎、刃、而、解、彼其艱難者安在耶夫君崩而嗣子幼則天

下將有意外之患。故必屬諸大臣以鎮撫之。高帝在位十二年。反者九起。瀕死而黥布陳豨作亂。其欲屬大臣以安劉氏情也。豈必知呂氏哉。洵既鑒其私智。欲附會以苟成其說。則不得不推其不去呂氏之故。于將相大臣呂氏留而亂作。則不得不推其欲損呂氏之權於斬樊噲。且夫噲忠烈。鴻門譙羽非諸將所敢望其諫處咸陽宮及排闥涕泣。雖良平何參有不能。噲不阿帝於生。則必不叛帝於死。其不肯阿后以危劉氏明矣。而洵顧以椎埋屠狗斥之。孟子曰。此之

此意人所易知故辨之畧



按劉氏與此意

謂失其本心。洵之謂矣。且洵又曰：帝意百歲后將相

人所未曉故辨之詳

大臣有武庚祿父而無以制之。家有主母則豪奴悍

婢不敢與弱子抗。故留呂氏以待嗣子之壯。吾不知

洵所謂豪奴悍婢者何人也。信越布狶。帝旣生而誅

人心死

夷。當時存者何參平勃陵嬰諸人耳。非有梟桀難制

妙論

如此辨駁令古

內握重兵外據大國者也。坐城市而憂猛虎。乃先飲

鴆。食堇以倖虎之斃。吾見虎未至而身先死矣。宋明

帝時后兄王景文忠貞帝倚任之旣慮晏駕後后臨

朝景文有異圖遂遣使賜藥死。顧以褚淵受顧命蕭

道成爲右衛將軍後世人主欲爲子孫計而以不可

此作者本論

知之故橫生疑忌賊殺親臣以亡其國者則皆洵之

智也洵賢者工於文智足以文其辨其害於人心尤

以下烟波不窮

甚故吾惡之吾非惡智惡其鑿也洵論子貢魯可存

齊可無亂吳可無滅嗚呼其智若此吾蓋惜之矣

丘邦士曰老泉論之謬不駁自明然如此文說出  
許多當國大本領論人大頭腦來則此駁大有關  
係爲世間所不可少之文

善伯曰高帝不去呂后自是人家常事北魏之

俗何可訓也可笑後人處處要想出古人權術此  
皆不達人情不識時務之人其實喜用權術者亦  
只用一二而已英雄末節恒多衰耗卽其身家子  
孫亦有付之無可如何者何曾步步設計事事合  
着勞後人揣摩奉承乎此篇正論固足以修慝而  
辨惑也

○○○書蘓文公諫上後

蘓子曰諫亦有術焉用諫之道通於游說說之術可  
爲諫法者五一日理論一日勢禁一日利誘一日激  
怒一日隱諷魏子曰術之中尤有術焉得其術則五  
術皆濟失其術則五術可至殺身夫用術者亦在審  
其機而已機之所伏不在理不在勢不在利不在激  
不在隱機之所發可以諭可以禁可以誘可以怒可  
以諷夫所謂機者何也機先則失疾機後則失遲機  
顯則失盡機微則失晦疾則固遲則誤盡則厲晦則

忽書曰若虞機張往省括於度則釋莊周曰庖丁之  
解牛也披郤導窾則砉然迎刃而解是所謂得其機  
者也五術未用先用其機機有在於五術之中有出  
於五術之外曰理曰勢曰利曰激曰隱術也孰當論  
孰當禁孰當誘孰當怒孰當諷則術之術也或可偏  
舉或可並進或可終守或可更端此所謂在五者之  
中主好色我不諫其色主好貨我不諫其貨主好刑  
我不諫其刑主好勇我不諫其勇時其起居飲食伺  
其嬉游燕寢而引之於善若無意於入焉而無所不

入主好色吾與其色主好貨吾與其貨主好刑吾與  
其刑主好勇吾與其勇吾入得其歡心則可以惟吾  
之所爲此所謂出五者之外也古之讒人其言無不  
聽用非有奇術也得其機而用之故譽人而不居其  
功殺人而不任其罪是故諫之道通於說則十可得  
九諫之術合於讒則百舉而百有功語曰抱薪救火  
夫火可救火水可濟水顧其術何如耳

全部國策只一機字可了故同一說也今日不效  
而明日效此人從而彼人不從乃知縱橫家非有

硬法可學全在心細手敏處得力耳讀老泉諫論

因及此 自記

丘邦士曰立論之精似偏極正似通極確於諫詭  
一道韓非子爲原病蘊老泉爲開方今裕齋復爲  
鑑肌切脉之術無遺義矣

弟和公曰勢險節短峭利可畏中具有變化之筆

○○書蘓文公諫下後

人君苟樂聞其過、不刑、不賞、天下之人、樂就之、況誘之於前而驅之於後乎、進諫則不然、雖有奇術、不能必聽、雖有至道、不能必行、以余之機行蘓子之術、而又不得、則雖聖人無如之何、且夫說易而諫難、說之爲說、多動於利害、而諫常爭以理、理非賢者不能信、而利害者、愚不肖所共明、且吾誠說其一人、一事、從吾說、吾無求矣、吾立人之朝、而思諫其君、雖多至千百、事皆不可以嘿嘿而與爲苟、且吾則以爲百諫而百



從非格心之臣必不能也。古之善格君心者莫如伊尹。周公太甲不義伊尹放之於桐。悔過還善三年而後歸於亳。周公負扆以佐成王。自六卿九牧內至綴衣小臣非公之所取則不得待於天子。向使伊尹不得放君而周公無權則雖欲使太甲成王還而之善亦未可以必得。吾觀三叔流言周公居東而作鴟鴞之詩書曰王亦未敢誚公則成王蓋甚有畏於公。成王雖畏公而亦未始不有疑於公。嗚呼周公之於此蓋其岌岌矣乎。孔子相魯三月卒不得志於季氏。呂

邑無道霍光廢之而立孝宣夫得其權則伊尹之事  
再見於霍光不得其權則孔子不能爲周公嗚呼誰  
謂孔子而不能於光耶

丘邦士曰前篇欲諫之行則推諫之術下至於讒  
然後盡此篇嘆諫之難行則上至格心尤藉權勢  
皆獨到切至之論文亦老泉所謂淳健簡直者

○○書蕪文公明論後

惜哉蕪子之明何其小也。日月不矜小明。故其明大。雷霆不襲用其威。則無所不威。聖人之明如此而已。書曰。舜流共工於幽州。放驩兜於崇山。竄三苗於三危。殛鯀於羽山。四罪而天下咸服。夫共工驩兜。以比周而並誅。此二子皆有過人之才。而官與族又甚大。意當時從而比周者。必不止於二子。後世黨人之禍。株連動至千百。以謂不取而盡殺之。則其黨必不止。乃舜自誅二子外。不聞復有所誅。責孔子曰。舜其大

知也歟。正其大。不正則小。不正者。自正此。所以爲日。月雷霆之明威歟。蘓子言不及此。區區舉阿卽墨之事。且欲以一知而欺天下之十天下。窺吾之所不知。將并吾所知者。亦遂疑之。而不疑。惜夫蘓子之不善全其說也。旣而讀辯姦一篇。噫。蘓子之明不小。

丘邦士曰。推黨禍處。無中生有。酷類蘓氏之文。然立論之旨。絕正絕大。不獨勝於蘓氏。竟足以助儒先所不及。

○○書蘓文公辨姦論後

姦人不易辨也。人之大姦尤不易辨。辨之道有二。凡事之不近人情者。其忍僻足以賊天下也。凡事之太近人情者。其柔媚足以殺天下也。姦人之欲取於人。必先有以予之。欲大有所忍也。必先以不忍嘗之。搏虎之家。多傷人。阱而致之。則人不傷。而虎已倍得。是故阱虎者。必置其牲釣魚者。必設餌。入廟之犧。則被之以文繡。方魚之見餌。虎之見牲也。以爲我愛也。犧牲之曳錦而被繡。以爲尊榮我也。投所欲焉。而遂

制其死命兵法曰攻城爲下攻心爲上故小姦竊位  
其上竊權大姦竊心王莽謙恭下士卑節而事太后  
卒移漢祚唐德宗曰人言盧杞奸朕殊不覺竊心之  
術顧不雄與千金之子偶中於飢寒不求衣而衣至  
不求食而食至彼固思有取之者矣千金且然而况  
萬乘之主乎

溫伯芳曰風調絕好似西京文字

兄善伯曰不近人情與太近人情皆忍者也水火  
皆足殺人而水惟尤甚此近情者所以難防也子  
瞻嘗謂楊雄以艱深文淺陋余謂  
若以淺陋文艱深當更不易辨耳

○○○書蘓文公遠慮後

臣之忠奸不易知臣之才不才與其才之大小不易知吾失知於群臣吾可以改制其後失知於腹心之臣則其禍害遂一失而不可再贖然則人主非甚神明不與群臣生同里長同居寢處出入與共亦安識所謂腹心之臣而任之者吾故曰言腹心於創業之

之論

主易而守成之主難堯之用舜舉匹夫爲天子如此

其易也蓋降二女主五典賓四門宅百揆納於大麓

其所以試舜者如此乎其至也夫以堯用舜而汲汲

獨創之論

焉。必不免於試。况爲之君者。未必如堯。而其臣萬萬。不及舜。後世之用人也。或以世家以名望以相薦引。或偶中人主意。或以言語或積俸按秩貫魚而升之。問其臣之生平。何若。人主不知。才能大小。何若。人主不知。何以膺上位大權。人主不知。如是而欲求腹心之臣難矣。吾故曰。不重有以試之。不可也。試之之道。不於引爲腹心之時。而在吾所等夷視之。爲群臣之。日蒞政之暇。時降體而接之。引以議論。使得以舒達其志道。一屈之以非禮。觀其偷容。道二驟榮之以恩。



爵以觀其喜懼之威以觀其畏道三授之卒然難應  
之事道四功大賞薄觀其怨望否也道五吾有過言  
有過行其諛我或從而諄我道六吾觀其所譽果君  
子乎其所毀果小人乎不徇私恩不懷小怨道七使  
之作非常不好名而懼謗道八考所論設有深思遠  
慮不苟於目前不惑於群議道九九者皆善而出於  
其中心之所誠然道十夫習與之處可以觀性情屈  
之非禮可以觀其自立不矜賞不畏威可以觀守授  
之卒然難應之事可以觀才不怨望不諛不私可以

觀忠直不好名懼謗可以觀力深思遠慮可以觀識如是而出其中之誠然可以觀心術夫如是而曰吾有所不能知之臣吾不信也

丘邦士曰九道說試人處經權互用自是實用奇才

○○書藹文定重臣後

君有重臣士庶人有畏友其義一也。君無重臣則國危。士庶人無畏友則其身可陷於大不義而不救。是故君欲得重臣以安其國。必豫有以養之。人欲得畏友以立其身。必豫有以求之。且吾所謂畏友者。固非徒畏之而已。有所甚信服於吾心而不肯叛吾者。甚有所親愛之而不敢褻父母妻子。不可得間而其人所以不可告語於其家人。與其不能自對者。舉無不可以相告。是故人之交友。必以爲能拂吾之過而引之於

善也苟其不然則必便辟而不足交然吾觀國之大  
事小臣不能言則其重臣言之小臣不敢爭則重臣  
力爭之一介匹夫莫不有性情之錮學術之偏紆結  
於其心而不可解又或乘於意見之所悞而必求以  
自遂此其事雖父母之尊親妻子之愛有所不能奪  
是豈可汎然而恃此二三等夷直諒之友以要之於  
必折且夫人之失德固有出於呼吸之間及其後雖  
悔之而不及者惟有其畏友以持之有所大逆於吾  
心而不敢拂也吾大有不服於此一事而不敢違也

蓋情足相取而勢足以相制及夫得失成敗較然大見然後快於其心而其初固無幾微怨惡之意是故可以居吾之功名而不爲泰與吾蹈湯火而不爲德庭辱我而不爲嫌逐殺其妻子而無所忌憚若此蓋所謂畏友者也

丘邦士曰說所以爲畏友處乃創闢之論筆性亦嚴悍可畏○說到逐殺妻子語似駭人然貴戚易位正是此理如伊尹於湯是矣君相可行而朋友有不可行者推其意言之耳

弟和公曰前面特提出一求字截然便住蓋欲人  
思所以自求也彭中叔因作求友說可以並讀

○○書歐陽文忠論狄青劄子後

予嘗推古今奏議漢賈誼鼂錯宋李忠定朝王如  
成爲第一及再讀歐陽文忠奏劄則又和常不反覆  
流連而不能已公爲人正直和平而遇事敢言持其  
措置之方天下大畧大詰不能與四公比而政事之  
闕失人之賢不肖則知必言言必盡而其言直切而  
婉至反覆而不窮其移人之性情入人之深爲前所  
奏議所未有吾則所特不滿公者在論包拯狄青二  
事拯劾去二三司使而已居其位於形跡不無嫌疑

然極豈貪美官、敗人以自成者。公亦嘗出一二言爲  
拯回護。何至謂其不知廉恥、壞國家之紀法、以重詆  
賢者、而推致其罪乎。至論狄青則又甚。青立大功、爲  
當世名將。公旣多鄙夷、不屑之辭、而小心謹慎、朝野  
共知。公則曰、今雖未見顯過、是隱然以其心爲不可  
問也。又曰、外人謂青用心、有不可知。此臣所不敢決  
是顯然以青爲巨測也。至采身應圖識、宅有火光、無  
稽之訛言、以聳動主上、而又引朱泚以爲證。其後又  
因水災、並建皇嗣極言、噫、幸其君爲仁廟耳。使遇漢



景宣唐肅德則公一言殺青而有餘而青滅族之禍  
固已不旋踵矣而其間則仍爲一二護青之語操縱  
出入之間似乎持平而實深文巧詆以中人於深  
而自脫於小人吾則以爲險狠陰猾若古小人害君  
子之術而又工焉者蓋莫甚於此也宋武功最衰當  
時將帥未有賢於青者藉令青功大謗興主上危疑  
公爲侍從尚當出力曲相保全而顧無端以訛君臣  
之釁哉然則公皆不當言與曰言之可也所以立言  
非也然則如何曰言拯也但當曰拯効去三司使而

已居其位。雖非出拯初心。然拯宜避嫌辭位。以自印。朝廷亦宜授拯他官。以全其名節而已。他已甚之言。可無言也。言青也。但當曰。青功大而賢。甚得軍心。浮議沸騰。雖青萬無他志。然不宜久掌機密。滋詭譎之。朝廷宜授青外藩。以保全其功名而已。他已甚之言。可無言也。嗚呼。公正直和平之君子。如此等類。豈君子所宜出。吾深惜此爲公盛德累。而疑公之未必純出於君子也。公爲後世所信服。未有非之者。吾懼夫誤後世之爲君子。不擇言而自陷於小人。故特表。

而出之。或曰：宋乘五代後，如郭威、藝祖、黃袍加身之事，庸或有之？公忠愛，不得不言，不知杯酒釋兵之後，將帥不能爲大惡者，已百有餘年，而顧於青之賢將，爲已甚之言以危之乎？或又曰：青武人，典機密，列爲大臣，公惡非其類，故言之。狼戾如此，噫！信斯言也，則其矣。

彭躬菴曰：持論極公平，代論青及拯立言之法，極得體。至慮後世君子不擇言而陷於小人，尤苦心世道之言。

○○書季子高宗論後

季子曰宋高宗篡弑之賊也諸將所至成功有必可以復二帝之勢而不肯用蓋懼二帝歸而已不得終據其位也世有董狐按以春秋誅心之法高宗雖欲逃罪不可得矣

昔秦檜讒武穆於高宗而殺之檜死牕下然卒以絕嗣人以爲此岳氏之報也高宗委手金人以瘦死其父兄曾不如死麕之足恤雖竊重器不能一傳此豈其應耶然高宗之老也孝宗奉之極尊養光宗不子

而孝宗乃憂崩何與太宗受國太祖其事之義如事父觀其瀕歲改元更名廢任諸事則永昌之崩斷以斧弑不誣也滅天理者天必棄之光宗病廢不數年死而太宗享國長久子孫之爲帝者迄高宗始絕甚矣乎天道之疏也太宗惡並魯桓光宗之罪百十於許世子而史未有明正其慝者嗚呼此亂臣賊子所以接跡於世也唐肅宗當祿山之亂自立於靈武君子譏其因亂篡國當是時肅宗不正位則號令不行唐祀必絕明皇不可保其身所謂不得已而行權變

而不失其正者君父播越而建太子立皇后獨何心哉其後寵李輔國使明皇驚憂卒以病死是故植董狐之義援季子之說此三宗者必皆正以篡弑之罪而後可也

溫伯芳曰扶藪錯綜無限古意

○○書丘登甫詩傳後

洪武中日照民江伯兒割脇肉療母病不愈復禱於  
岱嶽祠以其三歲子祈焉母愈殺而祭之事聞天  
子怒其滅倫傷化杖而戍之海南於是著爲令凡割  
股臥冰者聽其所爲不在旌表之例旌表法旣不行  
好名希賞之徒無所僥倖然世之篤孝奇行輕生命  
傷肌膚以求全其父母者禱耳目所覩譴已不勝屈  
指而學士大夫又爲之作傳記形詠誦若以風動天  
下之爲人子者毋乃非聖王之意與禱嘗因是而折

立邦士曰  
議論法度  
皆慕傲歐  
陽永叔  
弟和公曰  
論旨大有  
關係然須  
看其回護  
救應處力  
量最高

衷之以爲聖王立法必於中正禁其詭僻畸至之行  
以杜夫好名輕生貪利忘害之端然至性顓誠之節  
可以貫金石泣鬼神者亦自不可以湮滅於是學士  
大夫從而揚扆之以愧耻乎天下頑鈍不孝之子鳴  
呼此則聖王法之所禁而其意之所許也肝江丘登  
父父母病先後割股嘗之皆獲愈其事爲最難且奇  
肝之士競相贊述余覽其冊而書之以見登父之爲  
皆人情所難能而士大夫之所樂道故述聖祖之  
制而廣推之以明世之所以稱道奇行者其義如此



○書伯子示傑傲等疏後

吾兄弟既定塋勺庭便欣然有夕死可矣之意初內人欲從予塋是予謂和公曰是山靈恐非婦人所當今其言如是可矣疏云勺庭冰叔所居死者必先就婦則慨然曰三君生正直死必爲神吾何畏人之陰詭者生猶鬼也正直者死猶人也吾兄弟甚喜聞此語吾嘗念吾夫婦欲從吾父母皆無餘地既爾婦沒於山附吾左當勺庭之房生時偕寢處者也歿山下則耐姒與娣雖然耐吾爲便然吾不復厝意矣乙卯六月十八日勺庭叔子禧書

門人楊晉曰只數行凡九轉妙極

○○書古今長者錄後

吾友彭躬菴出示丁明登所輯古今長者錄禧受而卒業見古人忍辱包荒爲人情所難至於如此乃歎是書寓目有益固宜家藏人習自視肺腸真蟻蠊雀鼠不足比數也門人問曰讀是書者則盡有益而無損乎曰損亦有之曰其流也爲矯激沽名或優容而養奸乎曰是何足爲長者病曰然則弟子惑矣曰吾爲子明之長者以客(人)爲德夫天下之最難言者莫過客人非犯而不校之難也善用之則客人爲長者

不善則容人者爲妄人。夫容人者以長者自居。則有視人爲妄人而不足校者矣。孟子曰：君子必自反也。曰：必不仁必無禮也。必不忠也。夫吾實不德。或處之不得其宜。則所以致此者。當自反而慚而懼而悔。且改之。而但不校而已。而曰：我實容人。是已身不免於妄人。而乃以已爲長者。人爲妄人。則亦妄之至極也已矣。是故人處骨肉之間。姻親朋友之際。而輕言保全者。亦妄也。夫爲保全之術者。則皆見其人之非是者也。一當之而隱忍焉。再則動於色矣。再當之而隱

忍焉三則動於言矣。過此不止則向之所謂隱忍者  
暴起并發而決裂有甚於常人矣。就令終始隱忍萬  
不至於決裂而吾之心終以人爲小人已爲君子而  
不自知其致此之有由也。然則何如曰爲學者必以  
求過爲本惡以護過爲大不得已而行長者之道斯  
長者也。已夫何損之有。

諸子世饒曰人之自居長者有數等如所謂沽名  
一也養好一也或以包荒爲用世之微權一也或  
自屈於勢力不得已隱忍而自謂度量能容者一

也有理屈辭窮本心已見飾非文過之技無所用  
而乃擇美名以自居曰吾爲長者不校耳則其毒  
害深中肺腑莫可救藥又其一也叔父生平過於  
寬厚每懼流弊養奸爲長者病今獨揭自反有過  
爲長者根抵不特可除長者之妄而前數者之弊  
亦畢除矣推論精微俱到平實至極處令人且悟  
且慚

四層曲  
折而入

書商丘宋氏家乘後

家乘之作多大家貴族其有德而世微者無有焉易  
曰崇高莫大乎富貴人情所競趨雖甚盛德必稱說  
富貴之應以張之富貴不絕於世盛德君子代不數  
人則大家貴族又恒以有德爲榮述家乘者必推本  
其先世之善然非有所飾辭謬說以欺世也古今子  
孫蕃昌簪纓奕世不絕其先人非有大功隱德則必  
不及是如江南王氏之推本祥覽關西楊氏之推本  
寶震不可以枚舉商丘宋氏自莊敏公諱先後代有

功德而文康公

諱權

爲難爲文康公當鼎革初首言議

崇禎先帝廟號義聲震天下夫新故之交人所難言  
跋胡躓尾婉轉以求避其事而不可得昔王祥在魏  
稱純孝盛德及以三公事晉於故國未嘗有一言之  
及李德林自周入隋才名爲文帝所愛重言聽計從  
及爭宇文氏事輒觸嫌怒雖幸脫於死而終身廢黜  
不復起夫幸其不忠故君而忠新君是求忠臣於逆  
子之門也隋氏再世覆滅九州四海之大忠臣義士  
寥寥無聞此固文帝下愚之見然由二事觀之亦以



文洗發  
跌宕意  
思無窮

知人臣處此之難爲矣。方文康公慨慷昌言時豈意其出口而無他患。且自此位極人臣子孫賢貴繁昌。以至今日哉。動於其心之不容已。義所不可釋。夫是以倉卒之際不待再思。不謀於親疎而毅然行其志也。方正學有言。有君子而無祿位。族雖盛衰也。祿位光榮而君子無聞。族雖盛衰也。文康公克承先德。不忘忠孝。諸子以才德繼起在位。此方先生所幾幸。爲不可兼得者。宋氏後裔覽觀興起。世德名位傳於無窮。卽叔孫穆叔所稱三不朽。何以過焉。禱因員外聲。

之請而爲書其後

歐陽介庵曰極力提唱文康請蓋一事却只用含蓄之思宕佚之筆出之不作一毫慷慨憤世語相形容品格最高

○○書彭隱君傳後

君恩重故臣致死夫恩重故婦不二天下未有無施而思報者然則古貞婦之於狂夫烈士不食祿而守死非人情乎夫貞婦烈士自愛其身如拱璧然不得而委諸糞壤也感恩思報此其情之後起者已彭隱君萬垣善屬文不得志於有司甲申國變隱君痛哭不出旣而自護其毛髮以取死嗚呼亦何爲哉隱君子鴻聲君子也與禧交出蕭伯升傳見示爲書其後楊友石曰數行中有絕大道理又以蘊藉出之但

覺義味無窮